

觀

象

玩

占

觀象玩占卷之四十一

霧濛 霽附

總敘

春欲秋元命包曰陰陽氣亂而為霧者百邪之氣本於地而應於天是謂陰來冒陽其占為臣蔽主明小人擅權不利於上蒙者濛日不明也京房曰臣私祿及親慈慈謂罔辟厥異濛又曰在天為蒙在地為霧日月不見為蒙前後人不相見為霧濛霧交錯陰邪干政人君不悟必有亡國河圖曰山冬大霧連十日以上不散者山崩之候也霧者水脉也

雜氣

凡霧氣不順四時逆相交錯微風小雨積日不解晝夜昏暗者
天下欲分離

凡連陰十日晝不見日夜不見星亂風四起欲雨不雨其名曰
蒙下人有謀上者

洪範傳曰皇之不極厥罰恒陰時則有下人伐上霧氣若晝
若夜其色赤黃更相掩冒乍合乍散者亦如之

凡天地四方昏蒙若下塵十日五日以上或一月或一時雨不沾
衣而有土其名曰霾故語曰天地霾君臣乖不大旱外人來

凡陰晦不見日星昏氣襲人慘淒者兵亂之氣也故曰
若霧非霧衣冠不濡見則其色被甲而趨

凡霧從夜半至日中不開遂上為蒙者臣行奸政於民而君不悟也
氣從夜半至日中不解遂合為霧者君行邪政於民而臣諫也
過日中似雨者臣強不避也

霧終日終時其國君有憂

凡霧五日不雨不風其地有兵起日出而霧五六日以上期六十
日兵起

日中霧起至昏不止其地易主者也四時日出即有霧其地大

擾凡霧起四合百步不見人名曰晝昏不有破國必有滅門河
圖曰霧乍合乍散臣有謀逆者不成自亡

凡霧從四方來合於中央即為兵起

凡霧色黃少雨白為喪青為疾疫氣為暴水赤為兵旱又曰
霧色黃有大風又為有土功

霧下色如黃土名曰黃霧天鏡曰天雨黃霧百姓奔亡又曰黃
霧四塞國亂兵起京房曰黃氣四塞天下蔽賢絕道其災絕
世兵書曰 白霧四面圍城必有兵至城下不出其日無兵不
出百日兵起

又曰白霧四面圍城霧不入城不可收霧入城則其城必亡
春三月清旦霧起再沉竟不出六十兵起一曰王帝謀兵
夏三月卯時霧起再沉至三見不出二百日兵起

冬三月疾風暴雨狀如大雪至三見不出百日兵起

春乙卯日霧兵起東方 夏丁卯日霧兵起南方

秋辛卯日霧兵起西方 冬癸卯日霧兵起北方

凡霧氣四合有虹見隨四時色無傷有所克則凶

白虹霧奸臣奪君擅權立威虹頭毛尾至地流血之象虹出霧

中其年兵起

晝霧白虹見君有憂

夜霧白虹見臣有憂

京房易候曰甲乙霧人疾疫

丙丁日霧有旱

戊己日霧土功興軍在外則有拔城

庚辛日霧有兵

壬癸日霧有水

井氏曰春甲乙寅卯日霧色出東行主敗客勝

夏丙丁巳午日霧色赤出西行為利客主人凶

四季戊己辰戌丑未日有霧氣色黃出北行利客 主人內亂

秋庚辛申酉日霧氣色白出東行利客先舉兵者勝後舉者

敗無軍在外為興兵

冬壬戌亥子日霧氣色黑出南行利害主人受其害

凡子日有霧馬馳人走四時同然

亥日有大霧從子卯上來賊至邊城急防之

戊午日霧起累日不解兵起 若有兵在外為有攻戰

十月壬戌日有赤雲霧其地有兵

冬三月庚辛日霧不出三年兵革滿野

四時受敵之日夜半大霧至日中者兵大起近期七日若三日內有雨即解

入魁日陰霧兵大起春見秋發夏見冬發秋見春發冬見夏發

霧在其軍中則其邦君死將軍罷八魁日見陰陽書

凡風霧晦冥不辯晝夜陰為陽臣制君晝霧夜明臣志得伸
夜霧晝明臣志不伸

兩軍相當有霧即日有微雨者客勝霧而不雨者主人勝霧已
除而氣弥天者賊多晴明者賊少

凡大蒙三日群猾起 赤霧如塵沾衣冠亂兵起

軍中氣非雲非煙蒙非霧行形如禽獸主人忌之

虹蜺 總敘

虹蜺者陰陽之交氣也陰陽之氣和則為雨霧怒則為雷霆

淫則為虹蜺紅者攻也陽攻陰也蜺者翳也災氣傷也害於物有所翳也一日鎮星之精散為虹蜺又曰虹蜺斗之亂精斗失其度則生之雉曰虹雉曰蜺者多在日月之衝雙出色鮮明者為蜺虹暗者為蜺蔡之邕曰見於日衝曲面者曰虹見於日旁白而直者曰虹蜺主內淫主感心

雜占

高祖占曰虹以立春四十六日內出正東貫震中春多雨夏多大
災秋多水民流亡冬多海賊春分四十六日內出東南貫巽
中春大旱災起

立夏四十六日內出正南貫離中大旱灾麻不收

夏至四十六日內出西南貫坤中有大水蝗蟲為害魚不滋
立秋四十六日內出西貫兌中秋有水有旱

秋分四十六日內出北貫乾中秋多水虎食畜賊起

立冬四十六日內出貫正北坎中冬少雨春多大灾

冬至四十六日內出東北貫艮中春多旱夏大灾粟貴

京房曰虹春三月出西方有青雲覆之其夏多寒人病瘡若
溫赤雲覆之夏旱黃雲覆之夏小旱五谷半收白雲覆之
夏多大風人疫黑雲覆之夏多大水

夏三月虹出西方有青雲覆之秋多寒民病瘡赤雲覆之秋
旱黃雲覆之禾大收白雲覆之秋多大風黑雲覆之秋多大雨
秋三月出西方有青雲覆之冬多寒人病瘡若溫赤雲覆之
冬大旱黃雲覆之冬米大賤白雲覆之冬多風黑雲覆之冬
多雨

冬三月出西方有青雲覆之來年春多寒人病瘡若溫赤雲
覆之春旱黃雲覆之春雨調和白雲覆之春多狂風黑雲
覆之春多雨水

虹出南方無春夏秋冬所見之處陰陽不和風雨不時冬溫

夏寒小民怨咨五谷不成其地大飢大旱三年哭泣相隨一曰
大旱二百八十日民大疾疫

京房曰易飛候曰虹凡相有五蒼無胡者虹也赤無虫尤旗
也白無胡者蜺也衝不屈者天杵也直下上不屈者天棃也此五
虹以甲乙日出東方人飢丙丁日出南方大旱庚辛日出西方其
邑多空戶五步六死人壬癸日出北方人相食

虹以四五月出西方麥貴七八月出西方粟貴九月出西方大
小豆貴十月出西方稻貴一出一倍再出再倍三出三倍五出民流
千里

虹出秋後見西方萬物皆貴

虹秋多出西方色出多白天下小口傷

虹以十月出東北方若東其邑亡

虹以戊己日出中央若西南方人君凶

二虹並見兵起期二年五虹並見天下大亂兵起天子黜期三年

九虹俱見五色橫縱九女並見

妃后相爭女謁亂行主失威天下交兵

二屈虹出其下有大戰亡城 虹蜺亘天后妃陰脅天子虹數

見后妃黨盛 方虹見有暴兵起

屈虹東出下有破軍殺將

日旁有屈虹下有大戰流血

虹出橫至上反入直而不出九十日民多病死不出三年大

旱民流亡

虹出直上行所出之地大旱民多妖言多病死

青虹東西極天兵起虹三日不散不出一年大兵起

赤虹從天直下國亂無主

赤虹如杵將死軍亡血成川

赤虹冬出其野有戰糴大貴

赤虹與日俱出其野有急所臨之國有憂不可舉事用兵

白虹見諸侯起兵國有女乱天文志曰白虹者百殃之本衆亂所基白虹出其年有兵又曰白虹所出其下流血當其城必空

白虹如杵萬人死其下

白虹貫日近臣為乱不則諸侯有反者

白虹首尾至地者有流血

白虹暮出國易政

白虹夜出其年大兵起

白虹從地中_上所出之地有大兵流血

白虹分裂為四五六段大戰流血

日旁有四五白虹交貫所臨之地流血兩軍相當從上擊下大勝
白虹長十餘丈大如杵上下銳或直或曲皆為大戰流血從所
指擊之勝

秋三月有白虹出西方兩軍相當急陳兵以待之若有氣衝之
必有獲城

白虹屈曲見城上有大戰 白虹繞城不匝謹守其缺

白虹出軍上軍中有亂

虹蜺秋如日月暈必有破軍先起者勝

虹蜺五色重疊光色照地所出之地兵起

京房占曰蜺承日如抱子婦在君側為媚欲奪政也

蜺因日而表黃內青者婦專君也 蜺直日者婦從外來候

君欲媚之也

蜺有形而黑漸微者婦怨望也

蜺圍日復迴下貫者后妃亂不正天且示亡之象也

蜺有迴口復下貫日者君喜其后妃而后妃政以亡其國也

蜺見九重而圍日者天下將大亂也

蜺在日旁中天而直者君有外 通于臣也

日上不合五六尺表裏青者君與臣下為非也

蜺有四珥白氣貫者后妃有謀也

蜺圍日者君失德也

凡蜺見皆陰撓陽后妃無德而以色親君陽道有失之所致也
凡虹蜺連蜺近日或貫日皆為后妃專政人主有憂

虹蜺^在日上近臣為亂

日色赤黑有虹貫之君殺

虹出牽牛度中有壞城

虹出須女度中后族強專國政天無雲有赤虹貫繞昴畢

臣主相代

虹圍軫有國亡

虹貫太微后族專權

虹出地中臣主為逆

虹出宮殿園池或井中若下入之皆不出其年君亡政亂

虹出人家井中其家有兵傷一日當出貴女而後家受其殃

虹出入人家屋上妊婦死家破敗

虹自井出或自外入飲井水其邑有兵不則有盜賊相殺之

事一曰虹出池中在國空在家亡

凡攻城有虹從城外入飲城中水者城破從外順虹攻之勝屈

虹入城可屠城中有黃虹貫之主喜青黑赤白大戰城陷虹

垂頭于軍門有流血

虹蜺直指順虹擊其所指勝

絳氣長如弓下有亡國絳氣冬見國有大喪有雨則解

絳氣極天三日不行不出三年天下大兵青黑者為大喪

絳氣五色或赤白經丑未或東西極天者皆為兵喪

京房占曰有蜺蒙霧上下合蒙如塵蜺日房氣也

赤蜺再重為旱應在

黑蜺四背白蜺雙出日中妻制其夫

蜺狀如禽在日旁內寵奪后天子絕嗣蜺狀四方日光不濛解楊

而溫人君淫媒同姓無別

白蜺在日側黑氣暴之后妃不正

白蜺貫日赤蜺四背人主感寵妻棄正嫡蜺直在左而交在右人主無嗣

白蜺奪光尊卑不別蜺出半沒而日出且兩臣私祿於所親凡對敵而有虹見其占在軍無軍在外則其占在君臣妃后石氏曰虹頭在江河溪澗之內軒轅之變也見四維即為陰雨見西方即為旱不占國事灾咎蒼白多則為喪為水亦多則為旱

雷總敘

聖人曰乾
六十四卦
震為風門
為鬼其門

雷於天地為長子主發生二月出地八十八日雷出則萬物出八月
入地百八十日雷入則萬物入則除害出則萬物出八月入地百
八十日雷入出則興利人君之柄也人君發號施令上合天道則
雷以時而出以時而入若有不當發而發或當發而不發則
皆號令失常之所制也

雜占

凡雷声初發和雅其歲善雷声激烈歲惡人災
黃帝占曰雷起天門人不安起水門流潦滂沱起石門蟲食
木火凶起木門官不月歲大熟起風門霜傷五谷起金門銅

錢貴起大門夏旱蝗蟲起土門五谷魚貴起鬼門人多暴死
京房占曰雷起乾人多病國安 起坎多雨

起艮禾好桑長五谷賤 起震穀暴貴其歲凶棺木貴

起巽雷雨雹傷五谷一曰虫生霜早降 起離夏旱

起坤虫傷谷 起兌金鐵貴

開元占曰雷發聲於坎多水於艮山崩於震多風於巽大風
於离旱於坤土功興於兌兵起於乾天象

天鏡占曰 春雷起東方五穀皆熟夜雷丰熟

起南方臣强臣奪君政

二月雷不鳴五果不實小兒多死 三月雷不鳴秋多盜賊

四月雷不鳴君令不行臣專政

五月雷不鳴大臣猝死五果減半

六月雷不鳴蝗虫生冬民不安

夏三月不聞雷鳴五谷不成人多疾病

春正月雷民不炊又曰為喪為疫應在所發所往之方一曰正月大雷王者舉事不時

秋雷大鳴五穀不實諺曰秋雷碌有稻無谷

七月雷大吼有急令 冬雷震驚萬物不成虫不藏兵起

冬雷上朔其國亡所當之鄉骸骨盈野夜雷尤甚

冬雷屈拆不及三年天下更令

冬三月有大雷聞千里國君出走霹靂以兵去声溫者以弱去
一曰天冬雷地必震教令撓則冬雷民飢

冬雷而有星下胡夷之王死中野又曰當日之國王死其所

冬至日雷天下大兵盜賊橫行雷雨大作不出五年國亡

凡冬雷者陽氣不藏也冬以雷鳴之日知何方亦曰冬以其
辰為方

春雷不發秋雷不藏兵起國亡上下和則歲少雷

凡雷而雨人君舉事無益於民有風則其令行無風則不行
一曰上下不和則雷而不雨

春不雨而有雷声音在地中者其所往兵起

易占云雷而不雨者有声而無實也

天無雲而雷者其君無德其國將易萬人不靜下民失命一
曰無雲而雷是謂天狗所當之地有大兵一曰天無雲而雷
君不恤民下人將叛

雷先鳴而後電者執法貪苛也

雷而不電王者舉事不明

雷或霹靂而無風雨者剛柔不均激氣並作君臣益爭惡令
暴出雷或霹靂甚大風雨俱至者乱令大作動搖百姓雷震
地裂大臣專恣士庶分離且敗亡

雷声格々雨下籍々人君無施百姓侮之

雷声連日不止謂之失信人君失令不常下人多怨

雷鳴連延不絕人君行令不合於道民不悅畏號令不行

雷声或在東或在西或在南或在北君令無恒臣下不知去就

大亂起喪國絕嗣

春三月甲子乙丑戊寅辛卯戊午之日有雷擊物其他有兵大

雷大兵

春夏甲子丙寅戊子之日有雷擊物有兵在外則大戰無兵則
兵起期不出三日

夏三月甲子乙丑戊寅辛卯之日有疾雷大風有軍在外大戰
圍城壞無兵起

春己丑丁丑夏甲午壬戌己亥丁未冬甲寅又曰春寅夏戊申
冬戊子田日不雨而有雷電其声光所及有死將流血

秋庚午日雷其地兵起期不出一月秋三月庚子日雷有急令不
出一月

冬三月雷鳴兵起利客不利主人

凡甲子日大雷不出其月兵起

庚子日大雷不出三十日有惡令亦為兵起

戊子日雷電易土更民以其日入深淺一日當一月或當一歲必有
亡國死亡戊子日雷雨三日止其下大戰不雨而雷外兵必歸兵
起必阻

庚午日大雷不出其月有兵

八魁日者春己巳丁丑夏壬戌秋己丑丁未冬戊寅也

夜半雷一聞其声或有電而無雷皆為人君絕令

雷擊貴人之殿小人持政地削君亡不出六年

雷擊宗廟君死國亡

天無雲若有雷大声如雷一声而止謂之天鼓其地兵起營上
雷鳴一声止使命至城邑上有声如雷非雷有兵爭兵發之日
忽有雷鳴一声不宜進戰

軍行或對敵有雷從我軍上起入彼軍中戰大勝從彼軍來
我軍者反軍帳上忽有震雷一聲宜搜奸伏

霹靂 總敘

春秋繁露 霹靂者金氣也其音商說文云震霹靂振物也

釋名霹靂折也所歷皆破折正戰所擊輒破若攻戰也

雜占

霹靂大風雨發屋折木小人在位賢人出走一曰大風霹靂君用讒言殺正人

霹靂擊宮殿春秋合成圖曰女宮急春秋潛潭巴曰臣下有謀天鏡曰

霹靂擊宮大夫謀逆不出五年交兵流血

霹靂擊宗廟是謂天戒人君暴亡不出八年削地奪國軍中有霹靂聲下士卒叛

霆 總敘

京房曰霆者金之餘氣也金者內而外冥

鏡

雜占

凡無雲而霆人君以暴罰也

霆中天而見人君以自為明也

霆如交蛇光明而止者人君行明而直也

霆正赤下至地而復上者人君好聽讒言也

霆東西南北皆有者人君行役不避四時也

震者長光明者人君行微人不知之也

霆正黃而光澤者人君行明也

霧而霆人君默行事不得實也

霆瞬、瞬、人君實不和而自明也

霆或無雲而以昏數見者人君以微害人也一曰默言

霆如蛇曲明見久而後正者人君行不明莫以為是也

天陰不雨但為霆者人君陰行欲以求事實也



觀象玩占卷之四十二

電 總敘

電者陽精之發也先電而雷隨之者正雷先鳴而後電者陰勝陽也其占為人君失德賊臣將起電色黃有電色赤白有大風

雜占

電而無雷君絕命雷而既息或未雨不雨而發于潭洞溪壑之中者龍所為也不占

雷先鳴而後電執法之人貪刻

電如聚火而能人君絕命

電光晝夜爍地三日已上不止其所發處兵起
霧而電人君默行不實而任情天下多寃

電 總敘

電者盛陽雨水溫熱陰氣脅之而成電也五行傳以為聽不
聰之咎其占為臣制君亦為陰慘無恩之象故

凡雨電所起必在愁怨不平之事在國都則咎在君相在外則
其方之長吏當之春秋感符曰臣擅法則天雨電

雜占

電殺飛鳥君信讒言行罰於人也

京房曰雹下毀瓦破車殺馬者君任小人為政作威福也

雹剥木枝害五穀者上以酷政賦歛而殺人也

雹下多而積雪者臣欲殺其君也

雹下極地而暘者君私邪而臣成之也

雹下如積冰者臣將為逆也

雹下生茫狀而霜雪者人君酷欲害人也

雹滿大風者君罰過度也天鏡曰夏多雨雹民飢

兩軍相持而天雨雹者視風雨之所發順者勝

師行而過雨雹天不順也不避必敗

正月雨雹臣逆君命大臣有暴死者 二月雨雹大臣專政

三月雨雹君威大猛 四月雨雹民不安秋禾傷臣專命

五月雨雹殺鷄犬君任小人臣不用民不安 六月同

七八月雨雹殺物臣不忠

九月雨雹不利牛馬至地不化臣為奸

冬雨雹臣逆命一日大臣有殃

霜 總敘

天氣下降而無露清風薄之而成霜、所以肅萬物消侵沴
當降而不降與當殺物而不殺物者政弛而慢不當降而降

與不當殺物而殺者政急而殘故隕霜殺菽春秋皆書以記
異在國都在君相在外則戒守土之官京房曰人君誅殺無
辜則非時隕霜

雜占

京房曰霜所以移成萬物刑罰所以誅不仁人君刑罰立行誅
殺不當則天應之以隕霜於春於夏臣依公結私誅殺無罪
則霜下在土依公結私以緩有罪則霜附木殺罰不由上則
霜見風而飛此皆刑罰不公之致也霜未見日而消人君以喜
怒行刑罰也霜見日而不消人君執法堅不可犯也

天陰不見星而霜臣擅誅罰也一日晝夜不明而隕霜君欲行刑有疑於心而徑行之也

隕霜殺五穀刑罰慘酷也

隕霜不殺草君威不行也天鏡曰霜不殺物來年虫害五穀大飢霜上樹頭而不下地者有請決罪而上不下也

霜在草根土隙而不着木葉高處者刑罰專弛於下也賤而無所伸也

霜茫者人君刑罰而哀其人也霜有茫聖賢遭害也

霜茫向下人君專以法繩下

霜茫旁指君以旁言刑殺人也

霜下翩々其狀如雪者人君知其所信任為邪而不以為意也
霜不下而物自寒死邪臣握法陰中人而人不知也

春霜人病京房曰春霜殺草木是謂陰隆君弱臣強下不
事上又曰春夏霜七日七年聖人滅

夏霜君死國亡

正月霜下着物見日不消小人在位君子在野五果百物不實
牛馬多疫死着樹凍棟大枝君聽讒言傷賢臣

久三月無霜臣蟲不蟄來年蝗虫蝗

傷害五谷萬物不成人灾疾

京房曰欲候霜下早晚者正月一日有雷則七月有霜二月一日有雷則八月有霜地鏡曰視古屋無人居者其屋上獨無霜則其下有寶藏

軍中霜成芒角遍于旗槍之上師不可動

天霜晝下刑罰妄行 霜下有声外兵來伐

雪 總敘

雪本雨也寒甚而空中風結之以成雪或過多或非時則為灾

雜占

冬雪盈尺來年大豐八節占曰冬有積雪歲美人和穆

天子傳曰冬雪盈尺豐候之

京房曰雪附木不着地人君聽讒殺忠臣也

雪未至地而復上久而復下人君欲寬死罪也

雪而溫者人君脫有罪也

春雪不消天鏡曰妻黨專政擅執主威天下飢民死亡乙巳占

曰正月雪三月內消或至地即化者歲成人安七日不消大臣下

獄秋谷不成亦為臣有不奉主命者

二月雪七日不消百果不實臣專政大臣死牛馬傷夏秋民不安

三月雪經日不消秋禾不成米貴三倍人相食大臣憂

夏雨雪有大喪^大兵起詩度攬日違天紀絕人倫則夏雨雪君死

國亡京房司馬為亂

秋雨雪有大喪民多死兵起大飢人相食乙巳略例曰

八月雪宮中不安多疾病亦為有奸賊

冬三月無雪來年奏惡五穀不成虫生人病

此非時雨雪皆為刑罰慘酷奸邪得志兵革將興軍敗亡國之徵
天鏡曰雪者陰氣也小人依公結私以脅主而專政故雪而不止

九月而即下厚則為旱薄則為水皆一百九十二日

冰 總敘

冰者太陰之精至柔而為剛陰極而生陽也當冰而不冰者政失之舒也未當冰而冰與當釋而不釋者政失之極也政春秋書無冰皆為國君失政權移於下之應

雜占

水以春冰地鏡占曰有兵歲不成

水以夏冰胡兵起人主死一曰歲飢民流京房曰夏水冰其國君疾病五谷不成有大兵

水三月至九月有冰皆為大兵起

春冰下女主昌大臣死民疫秋禾不成

秋冰下人憂兵起

水冬不冰地鏡占曰為飢為冰一曰有疾病一曰有易王地夏凍
京房其鄉人流亡

雨 總敘

雨者陰陽和而天地交之所為也太清之世十日一雨一不破
塊京房曰太平之時一歲三十六雨是謂休徵時若應凡雨三
日已上為霖久雨為之霖

雜占

天無雲而雨謂之天泣其占為國易政若出軍逢之其軍必不
還河圖曰主急恚怒則無雲而雨抱朴子曰無雲而雨是謂
雨血軍當揚兵講武以應之雨大軍中尤甚者將軍敗死
京房曰人君進無德樹無功則不雲而雨

正月一日有風雨三月穀貴一日正月一日有風雨大惡微風小雨年
小惡風悲鳴疾作灾起一日正月一日有風雨未貴蚤傷風雨從
西方來兵起

正月一日無風而雨歲中下曰麦成木忝小貴

正月上旬雨谷貴一倍中甸谷貴十倍

正月晦日有風雨穀貴禾惡

二月一日有風雨穀貴禾惡

二月七八日當雨不雨九月道中有餓死人九日至十五日當雨不雨兵起十七十八日當雨不雨虫冬不蟄十九二十日當雨不雨三月大旱二十六日至十八日當雨不雨有逆風從東來損物

二月晦日有風雨多疾病死亡

三月一日有雨井泉空二日有雨澤無餘三日有雨水旱不時四日有雨變易治五日有雨溝瀆滂六日有雨壞垣墻七日有雨決隄防八日有雨乘船行九日有雨難可期

三月一日有風雨民疾病百虫生其日雷雨有旱

三月一日至三日當雨不雨秋多大霧道有餓死人七日當雨不雨穀貴九日至十五日當雨不雨兵在外者罷十八日至二十日當雨不雨角虫死天下民有怨二十日至二十七日當雨不雨冬虫不蟄民病

三月辰日雨百虫生未日雨百虫死

三月三日小雨蚕善大雨蚕惡

三月十六日雨桑枯賤

春甲寅乙卯日有雨入地五寸穀小貴若不貴至夏大貴

春甲申至己丑日有雨庚寅至癸巳有雨皆為大貴注春雨甲申其年五谷熟

春甲乙日俱不雨民不耕

四月一日有風雨米貴麥惡赤地千里四月二日三日有雨其年五谷熟四月四日至七日當雨不雨蟄虫冬出民自恣不安其處十一日至十四日當雨不雨歲惡十八日當雨不雨大旱冬溫二十一日當雨不雨兵起東北千里三十日當雨不雨有大風傷物

四月四日有雨五谷貴五日六日有雨宜早麥四月至十七日風大豆熟四月晦日有雨至五月朔大飢其年大水麥惡蝗生

五月一日有風雨米大貴人食草木一日牛貴

五月四日至七日當雨不雨大旱虫生十一日至十七日當雨不雨四方千里外人疾病二十日當雨不雨草木枯死二十三日當雨不雨乳母多病二十六日當雨不雨大旱風至秋九月多雨二十九日三十日當雨不雨大暑熱

五月上辰日有雨蝗虫發一日虫隨雨下食禾巳日雨同

五月晦日有風雨米貴不則在其衝 六月一日有風雨米貴

六月三日四日六日當雨不雨角虫多死七日至二十日當雨不雨牛貴二十日至二十二日當雨不雨下田水人少食二十三日二十四日當雨不雨

十月合凍二十七日當雨不雨下田水人飢

六月晦日有風雨來年春穀貴

夏甲乙丙丁日俱無雨人不耕

夏甲申至己丑日有雨麥貴

夏甲申有雨米大貴丙寅丁卯日有雨秋穀貴一倍

夏三月內辰日有雨百虫生未日有雨虫死

夏甲子庚辰辛巳日有虫死雷亦然

七月一日有大風雨米貴人多病疽者一日來春穀貴

七月七日有大雨糴倍貴小雨糴大賤

七月二十二日當雨不雨有大水

二十三日二十四日當雨不雨大風害物二十五日當雨不雨兵起外國
七月晦日有風雨穀貴

八月一日有風雨穀貴其日陰雨宜麥布貴麻子大貴占至三
日而止其日晴無雲麥不實

八月一日當雨不雨有大雷風二日止至五日當雨秋大霜民病八日
至十五日當雨不雨多大風寒十九日至二十一日當雨不雨牛貴二
倍二十六日當雨不雨冬大雪八月十九日有雨牛貴一倍

八月晦日有風雨來年有水有旱京房曰八月晦日昏而雨繒

帛貴人定時雨貴人賤人貴夜半雨未貴嬰兒多損鷄鳴
雨兵起一日雨過所寇賊起鷄雨兵事急民徙其鄉

九月一日有雨麻子貴十倍二日雨貴五倍一日九月一日有風雨來
年春旱夏水

九月一日當雨不雨霜早降殺物人棄妻子十二日當雨不雨民
多死二十日當雨不雨天下有恐九月晦日有風雨有水歲惡

秋甲子日有雨涉 甲申日有雨六畜死

十月一日有風雨平內旱來年夏多水麻子貴一日十月一日大雨米大
貴小雨小貴

十月二日雨麻子貴五倍十月三日當雨不雨兵起西北方七日至十日當雨不雨江河決水逆流十三日至十五日當雨不雨多大風寒十九日當雨不雨小兒病二十五日當雨不雨冬溫無水連年疾病十月晦日有雨穀貴五倍人多死

十一月一日有風雨人多死

十一月四日當雨不雨大旱八日至十一日當雨不雨乳母多死十六日當雨不雨民不安其居二十三日當雨不雨江河決魚行人道二十九日當雨不雨民多死亡貧者富者貧

十一月晦日有風雨春旱穀貴五倍京房曰十一月雨水橫流天下

飢又曰冬大雨水君死國亡

十二月一日有風雨來年春旱夏多雨穀貴

十二月四日至六日當雨不雨大旱九日至十三日當雨不雨多大霧
二十日當雨不雨有角虫為賊二十七日當雨不雨有大風雷

十二月晦日有風雨春旱

冬壬寅癸卯日有雨春穀大貴

甲申至己丑日雨米大貴

庚寅至癸巳日有風雨米賤收穀者折閱

春雨甲子六十日旱夏雨甲子四十日旱秋雨甲子四十日涉冬

雨甲子二十七日寒雪

春雨甲申五穀熟夏雨甲申五禾大莠秋雨甲申六畜多死
冬雨甲申人多病

春雨乙卯夏糴貴夏雨丁卯秋糴貴秋雨辛卯冬糴貴冬雨
癸卯來春糴貴

黃帝占曰春不欲雨乙卯夏不欲雨丁卯秋不欲雨辛卯冬不
欲雨癸卯以此四日占民安否若其日雨則疾疫起

凡四時卯日雨皆主穀價雨一卯斛百文雨二卯斛二百文雨三
卯斛三百文雨四卯斛一斤

正五九月殺在癸二六十月殺在戌三七十一月殺在未四十二月殺在辰以此日雨期六十日凡壬戌癸亥日雨以乘甲子旬此乃賊人伐貴者也

京房占曰諸寅卯日有小雨小急大雨大急丙午日雨圍地戊午日雨霖三日止其下大戰乙卯日雨旱有兵起東方丁卯日雨旱有兵起已卯日雨旱有兵起中央辛卯日雨旱有兵起西方癸卯日雨旱有兵起北方立春日雨傷五禾

立秋日雨害五穀

天鏡曰天雨三日已上不絕陰謀興漢五行志文帝後元年大

雨晝不絕四十五日其後新恒平謀反

凡雨作四時旺相之日草木得之莫不榮茂其死休廢之日雖有雨不能生物也

凡泰和之世雷雨必作於巳午陰生之後至夜而止者吉若作於子丑寅卯至午而晴者為亂為兵亡民失國

凡先風後雨為順先雨後風為逆雨止而風雷不止霧不散者國亂人災

凡先雷後雨其雨必小先雨後雷者雨必大也

易候云凡候雨以朔晦弦望雲氣四塞者皆雨東風則當日有雨

黑氣如牛羴者有暴雨黑氣如水牛不出三日大雨

黑氣如群羊奔如飛鳥五日必雨

黑雲氣如浮船者雨

蒼氣雲細如櫛綿蔽日月五日內雨雲如兩人提鼓持桴有暴雨四望見青白雲名曰天塞之雲雨微也

尚書大傳云五岳之雲觸石而出皆不崇朝而雨

京考曰諸六甲日有雲氣四合皆當日雨少雲少雨多雲多雨萬不失一

又曰六甲日無雲一旬少雨月離畢之陽無雨日旁有赤雲

如冠珥不有大風必有大雨

東朔占曰子日東風卯日雨丑日東風辰日雨寅日東風巳日雨
卯日東風午日雨辰日東風未日雨巳日東風申日雨午日東
風即日雨未日東風申日雨申日東風子日雨酉日東風丑日
雨戌日東風寅日雨亥日東風辰日雨

又曰甲子日雨丙寅日止乙丑日雨丁卯日止丙寅日雨即日止丁
卯日雨夕止戊辰日雨夜半止巳巳日雨立止庚午日雨辛未日止
辛未日雨戊寅日止壬申日雨即日止癸日雨甲戌日止甲戌日雨
即時止乙亥日雨即日止丙子日雨卒止丁丑日雨夕止戊寅日雨

即時止己卯日雨立止庚辰日雨即止辛巳日雨癸未日止壬午日雨
即止癸未日雨甲申日止甲申日雨即止乙酉日雨丙戌日止丙戌
日雨夕止丁亥日雨即止戊子日雨庚寅日止己癸日雨壬辰日止庚寅
日雨即時止辛卯日雨即止壬辰日雨辛丑日止癸巳日雨夕止甲
午日雨即時止乙未日雨丁酉日止丙申日雨夕止丁酉日雨己亥
日止戊戌日雨辛丑日止己亥日雨即時止庚子日雨壬辰日止辛
丑日雨壬寅日止壬寅日雨即時止癸卯日雨即時止甲辰日雨
即時止乙巳日雨丙午日止丙午日雨即時止丁未日雨即時止戊申
日雨庚戌日止己酉日雨辛亥日止庚戌日雨即時止辛亥日雨癸

丑日止癸丑日雨即時止甲寅日雨即時止乙巳日雨丙午日止
丙辰日雨丁巳日止丁巳日雨即時止戊午日雨即時止乙未日雨
即時止庚申日雨甲子日止辛酉日雨即時止壬戌日雨即時止
癸亥日雨即時止

子日雨即止不止寅日止丑日雨寅日止不止卯日止寅日雨立
止不止卯日止卯日雨立止不止巳日止辰日雨立止不止戌日止
己日雨未日止未日雨申日止申日雨立止不止
至十日陰未日雨申日止不止戌日止申日雨夕止見日不見日

久陰酉日雨立止不止久陰戌日雨立止不止久陰亥日雨立止
不止久陰此其大駭也

露 總叙

天作旱災則天高而露不下不雨有大露潤物者歲收四時夜中天低則露降蓋露出於天地之氣也

雜占

露不降者天不下施也君不恤民之應其占為旱亦為其地有灾

雲漢 總叙

雲漢一日天漢一日天河一日河漢起東方尾箕之間乃分二道其南經說魚星天淵天籥天弁河鼓其北經龜星貫箕次絡南斗魁左旗至天津下而合南道乃西南行又分而夾瓠瓜

絡人星杵星造父螣蛇王良附路閣道北端經大陵天觜卷舌
而南行絡五車絡北河之南入東井水位而東南行絡南河闕
丘天狗天紀天稷至七星南而沒凡經十有九宿石氏曰漢乃天
一所生凝毓而成者天所以為東西南北襟帶之限也天下河漢
之源蓋出於此天文志曰河漢自坤抵艮為地之紀爾雅云折
木謂之津箕斗之間津也

雜占

漢天文志曰漢者金之津也其本曰水漢中星多則多水星
少則少多水旱

霰

總叙

曾子曰陰之專氣為霰陰勝則雨雪凝滯陽氣薄之則散而為霰者陽脅陰也

說文霰集雪也從雨霰聲釋名

曰霰星也冰雪相搏如星霰

爾雅云霰為消雪

郭漢註云霰雨雪雜下故為消雪也

毛詩如彼雨雪先集

維霰註云霰暴雪也或云雪上遇溫風而搏為之霰也

雜

宋天文曰陰勝當雨雪陽搏之乃散而作霰陽脅陽也為政有

陰

所脅也

董仲舒曰凡霰雹皆為有所脅行專一之政故也

觀象玩占卷之四十二終

觀象玩占卷之四十三

風角

候風法

凡候風必於高平暢達之地立五丈竿以羽八兩為葆屬竿上候風吹兩葆平直則占亦可於竿首作槃作三足木鳥於槃上兩足連上而外立一足繫下而內轉風來則鳥轉迴首向之鳥口中啣花一旋則占之羽必用鷄取其屬異而能知時羽重八兩以象八風竿長五丈以法五音鳥者日中之精巢居知風鳥為其首也今按古書云

立三丈五尺竿以鷄羽五兩繫其端羽平則占然則長短輕重
惟取適宜不在過泥但須出衆中不被隱蔽有風即動直而
不激便可占候羽毛必須五兩以上八兩以下蓋羽則難舉輕則
易平時常占候必須用鳥軍行權設收便用羽作葆之法取
鷄羽中破之取其多毛處以細繩緊縛長三四丈許屬竿上
其獨鹿扶搖四轉五復之風各以形狀占之

風名狀

爾雅曰風而雨土曰霍陰而風曰曠日出而風為暴迴風為飄
楚輪謂之顏扶搖謂之飈

李淳風曰按占之家多云發屋折木揚沙走石等若每占中俱着此語其文至繁今輒以一家例之

古云發屋折木揚沙走石今謂之怒風多為不吉之象一日之內三轉移方古云四轉五復今謂之亂風亂風者狂亂不定之象天無晴與忽起大風不經刻而止絕一復忽起

古云暴風卒起乍有乍無今謂之暴風暴者主有卒暴事鳴條擺樹蕭蕭有聲今謂之飄風善惡依經旨

迅風觸塵蓬勃古云觸塵蓬勃今謂勃風

迴旋羊角古云扶搖羊角今謂之迴風迴風者旋風也回風卒

起而圓轉扶搖有如羊角向上轉有自上而下者或平條長直或磨地而起總謂之回風亦專有占古者清涼溫和塵埃不起今謂之和風古云暗寒昏濁寒尅者今謂之霍曠

凡風和暢清慨溫良適時塵埃不起人情恬澹是謂祥風天色晦膜雲氣寒濁風声寒慘埃燼蓬勃是謂災風勢紛錯交亂乍起乍止深藏難測其声恬耳是謂小人魅惑風風勢暴起南北不定離合氣埃是謂上下寧風

風勢冥、日日陰慘黃霧四合是謂政化未明風勢憾、南北離亂高下蓬勃是謂大兵將至風勢凜烈人懷戰慄是

謂罰慘刻風：声啾唧慘切令人悲惜為大喪風：声欬欬如火
奔馳乍起乍息為旱火風連風冥晦四日五日人皆悲傷為大
水殺人風

凡吉祥之風日色清明風勢和暖從歲月日時德上來或乘旺
相而來去地稍高不揚塵沙人心喜悅是謂祥風人君德令
下施之應

凡凶災之風日色白濁天氣昏寒風声叫怒飛沙捲塵來刑
殺而至當詳五音定八方觀其起止占之

今畧諸家寒尅白濁今謂之惡風清明温和今謂之和風

占驗訣法

凡候風須知八卦審定于枝或上或下或高或卑但無乘越然後可驗若失之毫釐差之千里不可不慎今先定八干四卦十二支辰位總二十四通相衝破即知風所發所止然後占之凡風從戌來須抵辰自辛至直乙二十四方先定其衝則來處明白辰卦既明自無失悞

諸例

黃帝占曰凡風之動皆不安之象也若在山川海濱空穴之間風所出處皆不可占之以為常式若在宮宅城營之內戰陣

之所風勢異常揚沙走石日光昏濁則必占之

凡人君理順四海則春無凄風夏無苦雨先王之治以天下為家兆民為子風起異常用意察之若分錯交橫乍起乍止濡黑深藏知者咸默

凡風暴疾南北無定交錯離合氣埃相注此風之應必在人主李淳風曰巽為風、占灾異最驗

凡候風須築高臺二十四尺設竿令其四達無隱則遠近皆知期不爽矣

凡鳴條以上怒風起止皆詳其五音與歲月日時刑德合衝

暮殺五行生克相囚死以言吉凶仍以六情推之萬不失一也

凡年月日時四殺五墓風從上來白濁昏寒皆為凶風其日

三形最坐不及起坐有賊暴至若行即防伏兵平時無兵防

人謀害

凡年月日時有刑殺五墓風起天色白濁日氣昏寒興兵動
衆逢之急坐不及起整武備

凡兩軍相當欲分主客以日辰所得納音為客以時下十二辰
與風所來方為主者若日辰納音能尅時辰及方則客勝時
下支神及風來方能尅納音則客敗主人勝尋常家居亦

以此分内外

凡惡風黑風三刑衝破墓殺風當日有大雨及三日內大雨者
其灾皆散一日宮風當雨微風三日雨羽風五日雨商風七日雨
角風九日雨但依日數得雨皆解

凡風自衝來者為殃為喪為火為兵為大臣死以日占何國
若當時有大雨即不占

凡滾雨及風後降雨皆雨氣也不占

凡風太歲來鳴條擺樹而天色清爽日光明盛著体清凉溫
和者祥風也天子有德令法不私人大臣畏懼國昌民安之象

若風勢蓬勃揚塵蔽天着人寒慘日白無光兼刑帶殺則為國有暴今月建為大臣日為令長時上來為民

凡風溫熱逼人着地走石吹沙鳴條落葉為因為風以日辰占何國飢荒人不安

風勢和暖不揚塵土氣色清溫日光皎潔則以日辰占何國歲美人不安

凡風起歲月日時德上來鳴條落葉及宮日宮時天門乾上發風皆為吉風

五音之日風起歲月日時刑上黑氣勃然經刻冥不見人

形是謂妖風宮日為君以四下日為大臣死其分不熟民灾
以日占國

凡風起三刑而隣於德不可分辨形與德者以風言之德風
鳴條索、雖擺枝落葉乍起乍止而去地尺外不動塵埃不
揚沙石日光不變是謂吉風宜從吉占刑風着地吹塵漲天
轉石揚沙蓬、勃、乍緊乍慢日光昏暗是謂凶風宜從凶

占

歲月日時方德刑墓殺例

干德

甲丙戌庚壬陽、德自處甲德在甲丙德在丙戌德在戌庚
德在庚壬德在壬此謂自處

乙丁己辛癸 為陰、德在陽 乙德在庚 丁德在壬

己德在甲 辛德在丙 癸德在戊 此謂在陽取和為德也

假令太歲在甲則歲德在甲太歲在庚則德在乙餘依上月
日時同歲取月、取日、取時及方時取方歲月亦無取方

支德

歲月日時在子德在巳 在丑德在午 在寅德在未

在卯德在申 在辰德在酉 在巳德在戌 在午德在亥

在未德在子 在申德在丑 在酉德在寅 在戌德在卯
在亥德在辰以次順行前五辰是也

月干德寅午戌月德在丙 亥卯_未月德在申

申子辰月德在壬 己酉丑月德在庚

三合 申子辰 亥卯未 寅午戌 己酉丑

六合 寅亥 子丑 卯戌 辰酉 己申 午未

干德合 甲己 乙庚 丙辛 丁壬 戊癸

歲月日時殺

寅午戌殺在丑 己酉丑殺在辰 申子辰殺在未

亥卯未殺在戌

呻吟殺

四孟月在酉

四仲月在巳

四季月在丑

歲月日時刑

子刑在卯、為刑下

子為刑上

丑刑戌、為刑下

未為刑上

寅刑巳、為刑下

申為刑上

卯刑子、為刑下

卯為刑上

辰刑辰

巳刑申、為刑下

寅為刑上

午刑午

未刑丑、為刑下

戌為刑上

申刑寅、為刑下

巳為刑上

酉刑酉

戌刑未、為刑下

丑為刑上

亥刑亥

凡刑下來者禍淺

刑上來者灾深自刑者無刑上刑下其

灾尤深謂之三刑者刑上刑下自刑也

五墓

亥卯未墓木在未 寅午戌火墓在戌 申子辰水墓在辰

巳酉丑金墓在丑 土墓在辰

干刑

甲刑戌

戌

乙刑巳

丙刑庚

丁刑辛

戊刑壬

己刑癸

庚刑甲

辛刑乙

壬刑丙

癸刑丁

衝破十二支衝

子衝午 午衝子 丑衝未 未衝丑 寅衝申 申衝寅

卯衝酉、衝卯 辰衝戌、衝辰 巳衝亥、衝巳

觀象玩占卷之四十三終

觀象玩占卷之四十四

風角五音六屬法

五音

一言宮 三言徵 五言羽 七言商 九言角

六屬

庚屬震 辛屬巽 戊屬坎 己屬離 丙屬艮 丁屬兌

子午屬庚 丑未屬辛 寅申屬戊 卯酉屬己 辰戌屬丙 巳亥屬丁

乾主甲子壬午 甲為陽日之始 壬為陽日之中 子為陽辰之始

午為陽辰之終 乾初在子則四在午 乾主陽內子外午內為始外為

終也

坤主乙未癸丑 乙為陰之始_干 癸為陰日之終_干 丑為陰辰之始

未為陰辰之終 坤初在未則四在丑坤主陰故內主未外主丑

震主庚子庚午 震為長男乾初九主甲對於庚故震主發以父

子授子故主子午與父同也

巽主辛丑辛未 巽為長女坤初主乙_六對於辛故巽主辛以母授

女故主丑未與母同也

坎主戊寅戊申 坎為中男故主中干中辰

離主己卯己酉 離為中女亦主中干中辰

艮主丙辰丙戌 艮為少男乾上主壬對丙故主丙辰丙戌是也

第五配

兌主丁巳丁亥 兌為少女坤上主癸對丁故丁巳丁亥是第六配以
地支十二辰合十干以十干所屬者命之以其言數納其音以主一
曰日辰相配共得以一音此納音之法也

假令求甲子所屬則子屬庚便從甲數至庚得七言商則甲
子屬金矣乙丑同屬者陰從陽也兩干兩相為陰陽而干支自
合有陰陽然後備也求丙寅則寅屬戊從丙數至戊得三言
徵故為火求戊辰則辰屬丙從戊數至丙得九言角故為餘_木

准此

李先生曰洪範五行之數水火木金土蓋是順理自北徂南先經後緯以五之今五音則以宮徵羽商角為聲主以集五音形其尊卑故自南徂北先緯而後經逆順先後蓋取聲形為質也數兼竒耦聲為響也陰耦陽竒情動者逆行性定者順入是以有逆順之理焉徵者火也火是南方體合二位故戊己土同在南方五音之託故以二位成體所以均互多少遍標順逆六神之內火兼二將者也又曰今月初分於庚見震象八日丁上見兌象十五日甲上見乾象十六日平旦辛上見巽象二十三日旦丙上見艮象晦日見離象

朔日見坎象於戊己中宮此納音所生從月來此

五音占風法

五音有納音金木水火土定五音有十二辰配五行有聽聲配五音
五音所主宮為君商為臣角為事徵為令羽為物宮數一為君
為身徵數三為宗廟先人為鬼怪羽數五為境界為妻為才
商數七為子為臣僕角數九為病為死為喪

納音

甲子壬申甲午庚辰壬寅庚戌為陽商

乙丑癸酉辛亥乙未辛巳癸卯為陰商

丙寅戊子甲辰甲戌丙申戊午為陽徵

丁卯己丑乙巳乙亥丁酉己未為陰徵

戊辰庚寅壬午壬子戊戌庚申為陽角

己巳辛卯癸未癸丑己亥辛酉為陰角

庚午丙戌戊申戊寅庚子丙辰為陽宮

辛未丁亥己卯己酉辛丑丁巳為陰宮

甲申壬辰丙午甲寅丙子壬戌為陽羽

乙酉癸巳丁未丁丑乙卯癸亥為陰羽

凡言宮徵羽商角日皆依此

地支十二辰五音法

子為陽宮土主帝王 丑為陽徵火主旱主火主宮寺主口舌

寅為陽徵火主旱主火主烽燧 卯為陽羽水主雨主露主水主霧

辰為陽商金主大將軍主吏士 巳為陽角木主疾病主憂患

午為陰宮土主后妃 未為陰徵火主土功主蜚蜚主詔誥主書檄主旱

申為陰徵火主郵驛主旱火主尉候

酉為陰羽水主霜雪主雷電主陰沉主電

戌為陰商金主小將主兵刃 亥為陰角木主死喪哭泣

李先生曰自子至巳皆為陰律所主故為陽自午至亥皆為陽律所主

故為陰

五音相動風占

宮日風從子午宮來為宮動宮主人君出行急風暴起急出有
急令慢風慢出有喜令以日干占知遠近宮日風從陽宮來
山陵崩壞人君出行地動旱有土功風從陰宮來地震裂若
后出行又為旱一日陽宮之日風從子午宮來君出行陰宮之
日風從子午宮來后出行 宮日風從子午宮來時加子午為
重宮君欲行大臣走又為不調風雨

宮日風從丑未寅申徵有火燭有土功寶物出有兵時加徵為

重徵有義兵行大上功有詔令為之義風

宮日風從卯酉羽來為宮動羽且有大雨不則大臣出走若
復為旱宮君羽臣君怒臣走宮土羽水土盛水衰水衰則火
起故復為旱也

時加羽為重羽即有雨五穀成

宮日風從辰戌商來為宮動商有兵行且有客兵來時加辰
戌為重商有兵殃

宮日風從己亥角來為宮動角有兵戰人主憂客兵傷有喪
從陽角來邊兵戰有大喪宮為土為君角為木土動木不勝

故君凶木主哭泣故有喪

宮日大風從乾來有暴雨湧水若風不勝 塵氣色和暢日光

明盛不寒慘者國有善令 艮來山陵崩壞人君出行水湧

地裂裂巽來蝗虫生害五穀

徵日風從陽宮來土宮起大旱火災頻起宮寺

風從陰宮來太子有疾 時加徵為重有土功火災起

徵日風從丑寅陽徵來有火災君有恐走獸為人害宮寺多

焚從王相來歲旱又為火災

徵日風從未申陰徵來人君憂走獸為火災一日六畜多死

時加丑寅未申為重徵國四門閉為火事

徵日風從陽商來有急兵人主出以兵自守期七日若七十日

風從陰商來邊有急兵戰一日風從陽商來輔臣強大臣死

民有殃以日占國

徵日風從陽羽來四隣有事實物出陰盛於陽且有雷電霜

電諸侯大臣多失火四夷有兵 風從陰羽來寶物出多震

電四夷有事

徵日風從陽角來有兵邊有兵金克木木子火反克金故有

兵亦為有喪 風從陰角來邊有驚火一日邊兵大起春有喪

羽日風從陽宮來人持才物聚君有事令邊兵起上功興將受命
有集會有寒雪雹

風從陰宮來暴寒傷物有水有土功兵集

羽日風從陽微來國有兵有急今臣有憂關梁塞道路不通
風從陰微來邊兵憂

羽日風從羽來有白衣聚有大喪大寒雪雹期五日若五十日
且有八雨一從南方來國有憂人多病雨從北方來賊聚水中
且有雪雹陽羽日應陰羽夜應

羽日風從商來有兵圍城不戰邊有急關梁不通大雨客軍

不利金水母子和故不戰羽為商除害象臣為君討賊故動大雨不出戰故也

羽日風從角來邊有兵圍城破一日兵不解

時加己亥為重角有圍城有大喪

商日風從陽宮來戒太子忌怨人臣有急兵宮土商金母憂其子故為太子亦為人主憂疾

風從陰宮來庶子有憂有急變兵起北方

商日風從徵來國邑受令兵行將在外兵還不戰臣受兵令而行徵為號令商為兵商受徵尅故兵退一日有小旱

時加徵為重徵有大有大旱

商日風從羽來大雨水歲大荒國憂亂有兵起東方羽水從
金生故有大兵大水之事

商日風從陽商來有白衣聚衆自立且有大雨閼梁不通大
將忌外兵邑有小寇人君憂國門四關兵在西方

風從陰商來國有大殃粟貴邑有兵風怒期七日若十日有急
兵大起商為金二金並行故為有大兵 一曰商日風從商來
大臣死

商日風從陽角上來有猝兵有急令

風從陽角上來有喪土功作

角日風從陽宮來兵從中起君憂國門四閉

風從陰宮來有大喪貴人多疾病有土功宮為君角主死喪故
有大喪

角日風從徵上來大臣灾亦防火虫生粟貴一日吏檢人財有兵
倉粟實物出

角日風從羽上來有大雨土功興邊有兵卿大夫多口舌疾病
亦為夷人相奪

角日風從商來有急兵一日臣不忠

角日風從陽角來邊兵起人主憂有賊至戰不勝多死亡

風從陰角來有兵有大喪一日遠喪至

時加角有喪有邊兵戰盜賊起粟貴民飢野多死人角主死
喪重角尤甚也

己上係古風角書及樂產本李淳風刪其煩亂著之于占

然陰陽五音所主亦有不由宜細詳之

凡五音惟宮日占在君以下皆為大臣令長庶官及民當之仍
以日辰言國

宮日風鳴條己上發止於宮者皆為人君出從德鄉來以德事出

從刑鄉來以刑事出溫和清明以喜事出寒慘昏濁以憂
事出

宮風卒起宮宅皆為土功興作若隕亂則為聚衆

徵日風鳴條以上發止於徵及卒起宮宅之中皆為失火口舌鬭
爭追召之憂若風從徵來時加徵又於徵者宮寺失火

羽日風鳴條以上發止於羽及卒起宮宅之中皆為聚衆若寶物
出入舡渡水物為變之事若從羽來時加羽又止於羽者有大
雨水亦為有酒食燕會

商日風鳴條以上發止於商及卒起宮宅中皆為宮宅之中者

有聞兵傷若日納音尅時則外人來傷主人時尅納音主人傷
客若風從商來時加商又止於商即宮宅中必有自傷者一日
陽傷之日兵起於外陰商之日兵起於內

角日風鳴條以上發止於角及卒起於宮宅之中皆為疾病若時
加角風從角來又向角去又止於角皆為外喪期九日若九十日
時加王為君長相為臣子及妻死囚休為下賤以風起之方決其
人及所在角雜羽為水死雜徵為燒死雜商兵死雜宮囚死雜
角病死

凡大風起止日時方位徵為火 羽多為水 商多為兵為粟貴

角多為疾病 宮多為吉順鳴條以上拔木揚塵吹沙走石落

葉擺樹乃占

宮日風從徵羽上來皆為民不安 從角徵來為火起

從角來又為疾病從宮羽商來皆為糴貴羽來又為水湧
商來亦又為火

須蓬勃呌怒吹沙走石日光昏慘乃占後同此

徵日時加徵怒風勃風從商上來天色黃黑疾作火燒倉庫止
於商徵者事疾

徵日時加羽勃風徵商角上來天色昏冥為火燒市肆

徵日勃風從羽上來先陰寒後熱火殺人

羽日時加羽風起羽有疾疫以風止處為灾止之月如止寅則正月止也

羽日風從商角上起時加徵者月內米貴人不安

商日風從角上來時加商角粟貴人疫

商日風從起徵商角^起粟貴且有火灾

角日風從商角上起粟貴人疫

角日風從徵上起火灾亦為粟貴或時加角徵或從他處起而止於角徵皆為有火灾

五岳之音風占

五岳之音以納音為論若風發屋折木揚沙走石或至三日以上乃占不能發屋折木揚沙走石或不盈時而止者雖凶亦無大害東岳之音

東方寅卯之角國有大寇人疾病

庚寅辛卯是也

寅卯之徵有妖

言鬼神之書作妖有火災

丙寅丁卯是也

寅卯之商國有大兵

客主攻伐之事賊出燕趙

壬寅癸卯是也

寅卯之羽有暴霜雹

水災蝗虫起

甲寅乙卯是也

寅卯之宮帝不安其都有出行寶

物出有善令以財物賜戊寅己卯是也

南岳之音

南方巳午之徵國有夷狄之害遠人謀乙巳戊午是也巳午之羽有

江海賊或水中船中害人癸巳丙午是也已午之商國之大臣事人

民強亂辛巳甲午是也已午之角牛羊疫魚死水中民小移動巳

巳壬午是也已午之宮天子欲警暴亂賞有功逐佞人封有德丁

巳庚午是也

西岳之音

西方申酉之商軍民內移出乘舟沒溺凶壬申癸酉是也申酉

之角有貴人災使者至有奸兵起庚申辛酉是也申酉之宮臣

爭才不恤國戊申己酉是也申酉之徵有內臣謀逆丙申丁酉是也申酉之羽霜雹非時秋水災兵動水賊起民疾病五穀不成甲申乙酉是也北岳之音

北方亥子之羽蝗蟲卒起霧傷萬物癸亥丙子是也亥子之商外兵為患水中賊起辛亥甲子是也亥子之角三公憂喪人疾疫己亥壬子是也亥子之宮土功事起兵行丁亥庚子是也亥子之徵皇后太子有暴喪乙亥戊子是也

中岳之音

四季辰戌丑未之宮有土功人流移牛羊疫丙辰丙戌辛丑是也
辛未

辰戌丑未之徵山賊出流言于民怖欲逃甲辰甲戌己未己丑是也

辰戌丑未之羽民詠妖言有流移之災壬辰壬戌丁未丁丑是也

辰戌丑未之商五穀不熟民多災死庚辰庚戌乙丑乙未是也

辰戌丑未之角夷狄兵起胡人作難寶物出戊辰戊戌癸丑癸未是也

五音風聲占法

李淳風曰凡占風必知風之情曉風之聲五音者五行之聲皆出於

黃鍾之管黃鍾管長九寸聲最濁而為宮其數九九八

十分增減以生上下故三分減宮一分餘五十四三分益一為七十二

三分減一餘四十八三分益一為六十四以成五音之數聽聲之法

須耳察大小清濁必以度教正之度教正則聲亦正不可以文載

口諭姑言其梗槩云

宮風聲如鳴窖中隆：如雷鼓嚮

徵風聲如奔馬如炎火如縛羃駭走

羽風聲如擊濕鼓如康鹿鳴子如水揚波激氣相嗟

商風聲如離群如扣鍾磬如蜚羽之集如鳴咽流聲感人

角風聲如千人語垠：然令人悲哀如人叫咷如哺如呼如鷄登木

宮風發屋折木有土功宮土人君內煩宮為君怒則自動其心故內煩

不出三十日遠百日宮教也有見之風以動之不安故有所之且有急令風怒也

貴臣相捕斬

內不安相疑急

天下兵起

上下不安故兵起

盜賊滿市人飢

不救國亂上下不相恤

車馳馬奔流亡不止宮土動故人移居也他倣此

徵風發屋折木有大災不出三日若三十日吏憂自行四方告急

事或有大火妖言為幻百姓恐驚自亂凡言吏者理人之官上至三公

皆是徵主烽燧故四方告急

羽風發屋折木不出五日若五十日糴大貴人以水為憂有大喪

后妃黜珍寶出

商風發屋折木不出七日若七十日有急令兵大起糴大貴國四

門閉備守禦關梁塞兵從中起

角風發屋折木不出九日若九十日有急賊鬪戰糴大貴民飢
相食有大死喪疫癘 已上係風聲占與日辰五音不同然亦資
以日辰來方相叅課之

雜占五音風

凡五音之風從本墓上來或暗時加墓或止於墓皆主大臣有死喪
疾病或出或為火起若蓬勃有聲吹沙走石大凶三日內有雨則
灾不成歲墓上來人君不安刑上來后不安月建墓上來宰
相大臣有病至死日墓上來以日占其分長吏死民不安未貴在
刑月及本月內時墓上來受風之處小兒多死月建刑衝上來

受風之處米貴人灾若帶角徵日時及方又加大災以上蓬勃
叫怒吹沙走石天色晦暝乃占若天晴日明氣色温和不揚
塵走石者其風雖大未可輒以此斷

凡五音之日風來色黑不視人面先緊後慢經刻止者主人疾病
惟宮日宜占在君其下四日以日占其地大臣死流亡期以爻干合數
假令甲子日二九之數近十八日遠百八十日更遠則九年

諸宮日風頻起白日沉暝霧氣四塞或熱或寒邊境不寧臣下
逆命

宮日寒風切人戰慄人君用刑急刻誅罰不中

宮日亂風吹々有聲令人悲悽鳴條落葉冷風逼人有大喪大臣殃
宮日風肅々習々擺樹鳴條去地稍高不揚沙土日色清明天
氣和暢或從歲月日德及合上來謂之德風天子有德大臣
忠正天下太平

凡受宮之日風從乾天門起鳴條以上至發屋折木風氣清涼止
於德合日光明潔是謂王風宮日風起於坤鳴條以上不揚沙
土天氣清爽日光明盛是謂相風皆為天子有德臣子忠孝五
穀豐熟四夷歸順百姓康寧

庚子陽宮之日夜半宮時大風從子來發屋折木止於辰地為

宮入墓天子有喪白服大臣死期九日若九十日

庚午陰宮之日中夜半大風從子午上起折木發屋止於辰
此皇后卒暴災病期九日若九十日

庚子陽宮之日夜半風從己酉上起止於午風調不怒不勃天
子有喜若立后期九日或二十七日

丙戌陽宮之日有風從未上來止於戌民憂疾病以日占國此是
刑例其餘依此占之

諸微日風從艮上來起天氣清涼日色和煖赤黃雲滿天天下和
平五穀豐熟尹安國昌

徵日風炎、熱氣逼人或在徵上來或止於徵或帶刑殺五墓
皆有大災不出三日

諸羽日風從坤上起鳴條以上至發屋折木日氣溫和天色清爽
白雲滿天天下安寧人主壽昌羽日疾風天下昏大人疾疫多
盜賊

諸商日風從巽上來起鳴條以止天日清明氣色和好青白雲
遍天下安寧人主壽昌

諸角日風從乾上起鳴條以上天氣清爽日色明盛黃雲遍天君
令大行百姓安五穀豐登

角日疾風天下昏兵大起

角日大風從亥上來止未入墓中大臣將相死近期九日遠期二十七日以日占之其地舉此為例凡五音之墓皆准此

四季受角之日風從未上來連三日至九日人疾病風從己亥上來寒慄止於未者人死喪以日占國期九日若二十七日五音日皆准此

己巳受角之日風從己亥角上來止於亥酉己者為大夫長吏客喪亦為民殃以日占國

凡風起五墓又止於墓為死喪事宮羽墓在辰商墓在丑徵墓在戌凡墓在未宮主君四音主大臣國戚及庶民死喪風從五音

王相方來止於王相人主壽昌百姓咸寧又姓

五音主客占法

凡日辰納音為客風所從來之方為主人日辰納音者甲子乙丑
寅卯辰巳午未申酉戌亥是也

假令今甲子納音寅為而風從未申丑寅上來為寅動微火
尅金主人勝若風已亥上來為亥動角木受制於金客勝他倣此

又日辰納音為客加時為主人

假令今日丙寅納音是大風起之時加卯酉為微動羽羽水尅
微火主人得羽主人勝若時加辰戌為微動角金受微火尅主

人得商則為客勝他倣此

又如今日甲子商客也時加丑未寅申為大主人勝而風又從丑未寅申上來即是兩大共攻一金主人於是大勝餘准此

又風從日刑上來客勝時刑上來主人勝此亦謂時與日相刑也

凡言主客之法軍從遠來者為客居其地者為主又先起者為客後應之者為主若兩軍相持以先動者為客後動者為主如兩人相擊先舉手者為客不動及後舉手者為主有氣勝無氣敗凡言主客者莫准此

觀象玩占卷之四十四終